



Fáilte Feirste Thiar
PROMOTING WEST BELFAST TOURISM
www.visitwestbelfast.com

OIDHREACHT AN IARTHAIR

HERITAGE OF WEST BELFAST



www.visitwestbelfast.com

Fáilte go hlarthar Bhéal Feirste, tobar shaibhir oidhreachta ar fáil duit le tumadh isteach ann lena fhiosrú!

Is léir ó na múnphictiúir fud fad Bhóthar na bhFál go bhfuil an ceantar beo bríomhar seo ar maos sna scéalta. Léim isteach i dtaipéis shaibhir an chultúir agus na hoidhreachta atá ar taispeáint ar an tslí nua seo. Ná caill an deis an balla síochána a fheiceáil, a thugann stair chrua an cheantair chun cuimhne dúinn. Agus bí réidh don fháilte mhór chroíúil a gheobhaidh tú ó mhuintir na háite.

Lig d'Oidhreacht larthair Bhéal Feirste tú a chur faoi dhraíocht - inseoidh achan choirnéal sráide a scéal féin duit fá leagáid an phobail mhórmheanmaigh seo!

Do bhealach a dhéanamh anseo

Is féidir teacht go Béal Feirste de shiúl na gcos, sa charr, ar an bhus, ar an traein nó ar rothar.

Tá muid 100 mhíle ó Bhaile Átha Cliath & 70 míle ó Dhoire Cholmcille.

CARR

Thig rochtain a fháil ar larthar Bhéal Feirste ón iliomad pointí ó Nasc an larthair agus ón mhótarbhealach M1

TACSAÍ

Tá seacht slí ag Belfast Taxi CIC fríd larthar Bhéal Feirste. Imíonn tacsaithe ón iosta s'acu ar Shráid an Rí i lár na cathrach amach ar na slite sin.

BUS

Tá Seirbhís Glider ag Translink ann ar féidir a fháil i Lár na Cathrach, agus téann sé ar an phríomhshlí fríd larthar Bhéal Feirste, sin fríd Bhóthar na bhFál, Bóthar Bhaile Andarsan, Bóthar Bhaile Stíobháird agus anonn go dtí Mol lompair Chollann.

BY FOOT

Le dul go hlarthar Bhéal Feirste ó Lár na Cathrach, níl de dhíth ach siúlóid mheasártha beag a mhaireann dornán de bhomatí. Thig leat imeacht ó Shráid an Chaisleáin, nó ó Bhóthar Grosvenor, le dul anonn go Bóthar na bhFál.



Follow us on Twitter
[@failtefeirste](#)



Like us on Facebook
[www.facebook.com/failtefeirstethiar](#)



Check out our Instagram
[@FailteFeirste](#)



Ábhair



- 4 - Mapa Oidhreachta
- 6 - Léarscail de Thuath Íochtar na bhFál
- 7 - Raidió Fáilte | Túr Dubhaise
- 8 - Ionad Chomhghaill
- 9 - An Balla Idirnáisiúnta
- 10 - Ardeaglais Naomh Peadar
- 11 - Muileann Mhic Chonmhidhe
- 12 - Múrpictiúr de Roibeárd Ó Seachnasaigh
- 13 - Mainistir Chluain Aird
- 14 - Sráid Mumbai | Páirc Dunville
- 15 - Dealbh de Johnny Caldwell | Leabharlann Bhóthar na bhFál
- 16 - Léarscail de Thuath Lárnach na bhFál
- 17 - Coláiste Ollscoile Naomh Muire
- 18 - Cultúrlann McAdam Ó Fiaich
- 19 - Fáilte Feirste Thiar | Tábhairne na Carraige
- 20 - Aisling an Phobail | Ráillí 'Life Span' ag na hOtharlanna Ríoga
- 21 - Boirleach Chluanaí
- 22 - Áras Uí Chonghaile
- 23 - Tearmann Dúlra Chluain an Bhogaigh
- 24 - Reilig Chat hair Bhéal Feirste
- 25 - Páirc na bhFál
- 26 - Reilig Bhaile an Mhuilinn
- 27 - Cumann na Méirleach | Eaglais Naomh Matha
- 28 - Léarscail de Thuath Uachtar na bhFál & Collann
- 29 - Páirc Mhic Ásmaint
- 30 - Ionad Oidhreachta Rodaí Mhic Corlaí
- 31 - Dubhais & An tSliabh Dhuhb
- 32 - Loch na Leathghealaí | An Leacht Leap of Faith
- 33 - Páirc Foraoise Ghleann Chollann
- 34 - Teach Chluana
- 35 - Leacht Cuimhneacháin Roibeáird Uí Sheachnasaigh | Tearmann Dúlra Shliabh na Cloiche
- 36 - Turais Choiste | Turais na dTacsaithe Dubha TaxiTrax
- 37 - Slí na Gaeltachta | Eispéireas Shéamais Uí Chonghaile
- 38 - Turais Reilige Bhaile an Mhuilinn le Stevie Corr | Ransaitheoirí na Reiligi
- 39 - Slí Oidhreachta Chollann | Slí na Múrpictiúr Iarthar Bhéal Feirste



Fáilte Feirste Thiar
PROMOTING WEST BELFAST TOURISM
www.visitwestbelfast.com

Léarscáil 'Oidhreacht an Iarthair'



Tosaíonn Slí Oidhreachta
Chollann ag teach Chluanaí

35

Bíonn turais in lársmalann
Rodaí ar fáil anseo



29

28

30

32

33

31

34

- 1 - Raidió Fáilte
- 2 - Túr Dubhaise
- 3 - Ionad Chomhghaill
- 4 - An Balla Idirnáisiúnta
- 5 - Ardeaglais Naomh Peadar
- 6 - Muileann Mhic Chonmhidhe
- 7 - Múrphictiúr de Roibeárd Ó Seachnasaigh
- 8 - Mainistir Chluain Aird
- 9 - Sráid Mumbai
- 10 - Páirc Dunville
- 11 - Dealbh de Johnny Caldwell



Tá turais Eispéiris na Ceathrún Gaeltachta ar fáil ag an Chultúrlann

Tá oifigí Turais na dTacsaithe Dubha TaxiTrax lonnaithe anseo



Eispéreas
Shéamais Uí
Chonhaile in Áras Uí
Chonhaile




Tosaíonn Turais Siúil
Pholaitiúla Choiste anseo

- 13 - Coláiste Ollscoile Naomh Muire
- 14 - Cultúrlann McAdam Ó Fiaich
- 15 - Fáilte Feirste Thiar
- 16 - Áras Uí Chonhaile
- 17 - Ráillí Life Span ag na hOtharlanna Ríoga
- 18 - Tábhairne na Carraige
- 19 - Aisling an Phobail
- 20 - Boirleach Chluanaí
- 21 - Tearmann Dúlra Chluain an Bhogaigh
- 22 - Reilig Chathair Bhéal Feirste
- 23 - Páirc na bhFál
- 24 - Reilig Bhaile an Mhuilinn
- 25 - Cumann na Mérleach

- 26 - Eaglais Naomh Matha
- 27 - Páirc Mhic Ásmaint
- 28 - Ionad Oidhreachta Rodaí Mhic Corláí
- 29 - Dubhais & An tSliabh Dhubb
- 30 - Loch an Leathghealaí | An Leacht Leap of Faith
- 31 - Páirc Foraoise Ghleann Chollann
- 32 - An Leacht Leap of Faith
- 33 - Teach Chluana
- 34 - Leacht Roibeáird Uí Sheachnasaigh
- 35 - Tearmann Dúlra Sliabh na Cloiche



Raidió Fáilte




1

Stáisiún raidió Gaeilge atá in Raidió Fáilte atá lonnaithe ar an bhealach isteach go hlarthar Bhéal Feirste ag Sráid Dhubhaise. Thosaigh an stáisiún amach mar thionscnamh pobail sna 1980í, tréimhse ina raibh borradh ag teacht ar an ghluaiseacht leis an Ghaeilge a chur chun cinn agus a athréimniú i mBéal Feirste.

Inniu, tá féiniúlacht ag an ionad atá fréamhaithe go domhan i gcur chun cinn na Gaeilge agus an chultúir Ghaelaigh fríd an stáisiún raidió, agus fríd imeachtai, taispeántais agus sa chaifé An Lon Dubh.

Cuimsíonn an ailtireacht gnéithe áirithe a léiríonn teanga agus spiorad an phobail, le himeall buí agus bríci dubha Bhéal Feirste san áireamh a sheasann don lon dhubb i ndán ársa an cheantair, 'Lon Dubh Loch Lao'

Túr Dhubhaise



2

Tá Túr Dhubhaise ar cheann de na sainchomharthaí is mó aitheanta i mBéal Feirste a léiríonn idir achraann sóisialta agus achraann polaitiúil na cathrach le linn na 20ú aoise. Suite ar an acomhal idir Shráid Dhubhaise agus Bóthar na bhFál, bhí baint fhada ag an áit seo leis an choimhlint, agus bhí sé ina shiombail den díothacht uirbeach, den choimhlint sheicteach, agus de theacht aniar an phobail.

Sa lá atá inniu ann, gné feiceálach de spéirlíne Bhéal Feirste atá i dTúr Dhubhaise go fóill, chomh maith le foirgneamh cónaithe. Cuimhneachán cumhachtach atá sa túr go fóill ar na streachailtí a bhí ag an phobal le linn na tréimhse sin. Mar gheall ar an tsuíomh ina bhfuil Túr Dhubhaise chomh maith leis an stair chasta taobh thiar de sin, is ansin a thosaíonn Turais Siúil Pholaitiúla a dhéanann Coiste.



Ionad Chomhghaill

Ó 1855 go dtí gur scriosadh é i dtine in 1922, bhí an tseanscoil Belfast Model School lonnaithe ar shuíomh Chomhghaill. Níl cuid ar bith den tseanfhoirgneamh fágtha ach amháin an balla cloiche atá go fóill ina sheasamh thart ar an fhoirgneamh atá ann inniu.


Ghlac an Eaglais Chaitliceach ceannasaíocht ar an fhoirgneamh ansin in 1932 agus rinneadh Bunscoil Naomh Comhghall de, a d'fhreastail ar phobal Thuath Íochtar na bhFál.

Dhearaigh R.S. Wiltshire an foirgneamh. I measc thréithe an fhoirgnimh ó thaobh na haitireachta de, tá aghaidheanna Neo-Sheoirseacha déanta de bríc-obair dhearg, chomh maith le ‘cloch de choincreit theilgte’ liath, fuinneoga móra leis an iliomad pánaí, agus díonta claonta déanta de sclátaí.

Cheannaigh Comhairle Phobal na bhFál an foirgneamh in 2003 agus in 2018, chuir siad túis le tionscadal £7 milliún lena athchóiriú le bheith ina mhól pobail ilúsáide.

Sa tionscadal, coinníodh príomhthréithe an fhoirgnimh, chomh maith leis an an taobh amuigh den fhoirgneamh agus é ina fhoirgneamh liostaithe grád B1. Rinneadh na gnéithe stairiúla a chuimsiú sa dearadh nua.

Críochnaíodh na hoibreacha in 2022, agus anois tá halla imeachtaí agus comhdhála, spás taispeántais, áiseanna cuairteora, spás oifige, agus caifé uilig mar chuid den tsaoráid nua.



An Balla Idirnáisiúnta

Ar feadh Bhóthar na bhFál, tá múrphictiúir larthair Bhéal Feirste le feiceáil. Agus daoine ag maíomh gur seo an gailearaí ealaíne poiblí is mó san Eoraip, díríonn ár múrphictiúir cháiliúla aird ar chúrsaí sóisialta ar fud an domhain agus tugann siad ómós do cheannairí réabhlóideacha, lena n-áirítear Frederick Douglas, Nelson Mandela, agus daoine nach iad.

Sainchomhartha clúiteach de chuid Bhéal Feirste atá sa Bhalla Idirnáisiúnta, a mheallann turasóirí, gníomhaithe, agus daoine áitiúla araon. Is eiseamláir chumhachtach é a léiríonn cad é mar is féidir leis na healaíona tionchar a imirt ar an dioscúrsa pholaitiúil. Feidhmíonn sé mar thaifead stairiúil ar thréimhse na dTrioblóidí agus mar shiombail na dlúthpháirtíochta leis na daoine eile atá faoi chois ar fud an domhain.






Ardeaglais Naomh Peadar

Ba í Ardeaglais Naomh Peadar an chéad eglais Chaitliceach i mBéal Feirste a tógadh sa stíl Ghiotach agus mar gheall ar an tsuíomh cheannasach ar a bhfuil sí suite, tá sí ina sainchomhartha fheiceáilach ar spéirlíne na cathrach. I measc na dtréithe iontacha atá aici, tá an dá spuaic, agus dealbh a léiríonn scaoileadh saor Naomh Peadar ón ghéibheann (Gníomhartha na nAspal 12:1-11).


Tógaigh an eglais le cloch Screabaí. Tá trí fhuinneog mhóra taobh le taobh a shoilsíonn na taobhranna, agus tá fuinneog mhór rothach ar an bhalla bin thiar solas isteach.

Tá an dá spuaic ina ngné shainniúil den eglais, agus cuireadh léi iad in 1886. Bhí siad deartha ag Mortimer Thompson, as Chill Ó Laoch, i gCo. an Dúin.





Muileann Mhic Chonmhidhe



Bhí Muileann Mhic Chonmhidhe ina mhuileann sniofa lín, a tógadh sna 1840í. Bunaíodh an eagraíocht Conway Mill Preservation Trust Ltd in 1999 agus d'fhorbair sé straitéisí caomhnaithe agus cistithe ar son chaomhnú an mhuilinn, ar bronnadh air stádas mar Fhoirgneamh Liostaithe in 2000. Coinníonn an tionscadal athchóirithe seo an foirgneamh mar oidhreacht dúinn; chuir sé feabhas ar aeistéitic an fhoirgnimh; agus d'fhorbair sé na gnéithe ilúsáide le go mbainfí leas iomlán astu.



Mar thoradh ar na gníomhaíochtaí a reáchtáiltear sa mhuileann, tarraingítear le chéile oibrithe deonacha áitiúla, ealaíontóirí, oideoirí, agus daoine gnó. Reachtáiltear fosta gníomhaíochtaí a thacaíonn le rannpháirtíocht ón phobail a chothú, agus leagtar bém ar an oideachas agus ar an fhiontraíocht nuair is féidir, rud a thacaíonn leis na healaíona agus leis an chultúr.


Múrphictiúr de Roibeárd Ó Seachnasaigh

Bhí an múrphictiúr seo a bhfuil clú air ar fud an domhain péinteáilte in 1998. Léiríonn an pictiúr iomráiteach seo an iomhá den réabhlóid Éireannach Roibeárd Ó Seachnasaigh agus milongháire air.

Bhí Roibeárd Ó Seachnasaigh ina cheannaire le linn na stailce ocras in 1981 agus é i ngéibheann sa H-Bloc i bpriosún a Ceise Fada, cor cinniúinach i stair na hÉireann. Tá an iomhá seo de Roibeárd agus miongháire air bunaithe ar ghranghraif a tógadh de agus é i ngéibheann.

Tá an múrphictiúr seo, péinteáilte ag an ealaiontór mór le rá, Danny Devenny, le feiceáil ar thaobh Ofis Shinn Féin ar Bhóthar na bhFál agus tá sé mar chuid de shli iontach na múrphictiúr in larthar Bhéal Feirste.






Mainistir Chluain Aird

Tógadh Mainistir Chluain Aird in 1911 in áit an fhoirgnimh simplí déanta de bhríci a bhí ann roimhe sin ar Shráid Chluain Aird. 100 bliain ina dhiaidh sin, d'éirigh Cluain Aird le bheith ar cheann de na heaglaisí is mó dá bhfuil dáimh ag daoine léi in Éirinn, agus tá sí ar maos i stair spéisiúil. Bíonn Nóibhéine Chluain Aird ar siúl ann gach samhradh, ócaid a tharraingíonn na mílte daoine gach bliain.

Bhí an Mhainistir ag feidhmiú mar bhuncar sábháilte agus Blitz Bhéal Feirste ag titim amach le linn an Dara Chogadh Domhanda. Níos moille anonn, agus an choimhlint ar siúl, d'éirigh Mainistir Chluain Aird ina láthair chruinnithe fá choinne pléite cinniúnacha idir an tAthair Alec Reid, Gearóid Mac Ádhaimh agus John Hume le deireadh a chur leis an choimhlint. Tugtar 'Tobar na Síochána' mar theideal an Mhainistir mar gheall air seo.






Don té a thugann cuairt ar Shráid Mumbai in larthar Bhéal Feirste, tugtar (é)argas Mumbai phléasc an fóireigean seicteach in 1969, arbh gcíreáibeanna fiochmhíara. Inniu, tá gairdín cuimhneacháin ann in ómos stair chrua na coimhlíntí. Is í seo an áit ar é an toradh a bhí air scriosadh tithe daóine i siombail den teacht aniar taobh istigh den phobal náisiúnaíoch.

Tá dlúthbhaint ag an cheantar seo le mórcheantair Bhóthar na bhFáil, agus is fiuntach dóibh siúd ar mhaith leo turiscint a fhail ar stair chorraí Bhéal Feirste agus ar thionchar na coimhlínte ar na pobail áitiúla, cuairt a thabhairt ar an áit seo.

Páirc Dunville




Is í Páirc Dunville an chéad pháirc i mBéal Feirste a bhí bronnta ar an chathair. Bhíonn Robert G Dunville í ar mhuintir na háite in 1891.

Teaghlaich saibhir a bhí i muintir Dunville a raibh clú orthu as a ndriogáinn, a bhí ionaithé ar Bhóthar Grosvenor agus ina ndearnadh an t-uisce beatha Dunville Irish Whiskey.

Bhí fonn mór ar Robert G Dunville cur le forbairt Bhéal Feirste agus, mar aon lena dheontas talaimh, chuir sé £5,000 ar fáil do leagan amach na páirce, os ciorn £1,000 do ráillí agus £665 do scaindeán Victoriach, deartha ag AE Pearce. D'oscail Marcas an Duibhthriain agus Ava Páirc Dunville den chéad uair in 1892.

Dealbh de Johnny Caldwell




11

Bhí Johnny Caldwell ina bhalla den chumann dornálaíochta amaitéaraí Immaculata ABC agus chuaigh sé in iomaíocht ar son na hÉireann sna Cluichí Oilimpeacha an 1956 in Melbourne na hAstráile. In 1961, bhí sé ina Churadh Domhanda Coileachmheáchain.

Tá an dealbh suite i bPáirc Dunville, páirc stairiúil ar Bhóthar na bhFál. Tá sé cóngarach don áit ar fhás an fear spóirt seo aníos, agus tá sé giota os cionn 6 troithe ar airde. Tá an dealbh é féin níos mó ná fiormhéid Caldwell, nach raibh ach 5 troithe 1 orlach ar airde.

Leabharlann Bhóthar na bhFál




12

Oscalaíodh Leabharlann Bhóthar na bhFál in 1908. Tá sí ar cheann de na leabharlanna is sine i mBéal Feirste agus tá áit ar leith aici i stair chultúrtha agus shóisialta na cathrach. Bhí an leabharlann cistithe ag an daonchara Andrew Carnegie agus bunaíodh í le hacmhainní oideachasúla a chur ar fáil le tacú leis an litearthacht i gceantar inar mhair daoine a bhí den lucht oibre go príomha.

D'imir an leabharlann ról lárnoch ag cur ar fáil spás sábháilte don oideachas agus do chórsaí cultúrtha, go háirithe do mhuintir na háite. Inniu, leanann an leabharlann léi mar acmhainn ríthábhachtach don phobal agus cuirtear ar siúl ranganna agus ceardlanna agus cuirtear le forbairt pobail.






Coláiste Ollscoile Naomh Muire

Tá stair Choláiste Ollscoile Naomh Muire fite fuaite go dlúth le stair oideachasúil agus shóisialta Bhéal Feirste.

Óna tosach mar choláiste Chaitliceach oiliúna múinteoirí in 1900, go dtí gur forbraíodh í le bheith ina coláiste ollscoile nua-aimseartha, bhí an institiúid seo mar phriomhchuid de phobal Bhóthar na bhFál agus bhí sí ina siombail den tiomantas i leith an oideachais le linn roinnt de na tréimhsí ba dhúshlánaí i stair Thuaisceart na hÉireann.

Gach samhradh, le linn Féile an Phobail, féile suaitheanta a bhíonn ar siúl i Mí Lúnasa, osclaíonn an choláiste a doirse agus cuirtear fáilte roimh na mílte cuairteoirí le freastal ar dhíospóireachtaí agus ar chlár chainteanna na Féile.





Cultúrlann Mac Adam Ó Fiaich


Tá Cultúrlann Mac Adam Ó Fiaich ar an ionad Gaeilge, ealaíona agus cultúrtha is ceannródaíche i mBéal Feirste, agus tá sí suite ar Bhóthar na bhFál in larthar Bhéal Feirste.

Tá an folingeamh ina iar-eaglais Phreispitéireach, agus bhí roinnt leaganacha éagsúla air le linn na staire Sáige, a bhí corrach go minic. Mar ionad ealaion, luonn sé i gcroin na Ceathrún Gaeltachta i mBéal Feirste - ceantar briomhar.

Cuimsíonn an Cultúrlann siopa leabhar agus féiríní (An Ceathrú Póil), an pointe elais do thurasóiri in Larthar Bhéal Feirste, chomh maith le Gailearaí Dillon - spás ealaíne comhaimseartha atá ainmhithe as an ealaíontóir, Gerard Dillon. Agus tú ar cuairt, tóg sos agus bain taitneamh as armaisfeár shuaimhneach sheasach; sin agus bláis bia breá solamarach sa bhiallann, 'Bia Loch Lao'.



Fáilte Feirste Thiar




15

Tá múrphictiúr ag an ghníomhaireacht forbartha turasóireachta d'larhar Bhéal Feirste, Fáilte Feirste Thiar - múrphictiúr atá thart ar an fhoirgneamh iomlán agus a léiríonn na nithe is mó díol spéise in larhar Bhéal Feirste, a mhacra agus a iníonra is clúití san áireamh.

Sa mhúrphictiúr, feicfidh tú ann an dornálaí Michael Conlan, Turais Siúl Pholaitiúla Choiste, Turais na dTacsaithe Dubha agus sainchomhartha móra lena n-airítear Reilig Bhaile an Mhuilinn, Reilig na Cathrach agus an Cultúrlann uilig san áireamh.

Tábhairne na Carraige



16

Thóg an fionraí Frank O'Neill an tábhairne in 1901 agus sa bhealach a bhfuil sé cóirithe, tá cosúlachtaí idir é agus an Crown Bar (Lár na Cathrach) agus an Fort Bar (Bóthar Chluanaí).

Tá cúig chlúid ann (agus tá doras ar cheann amháin acu go fóill) a thugann aghaidh ar 'an ionad freastail' trasna an urláir oscailte terazzo uathu.

Chomh maith le bheith ina eiseamláir iontach de thábhairní stairiúla Bhéal Feirste, chuaigh an choimhlint i bhfeidhm ar Thábhairne na Carraige forsta. Is beag nár tháinig sé slán as ionsaí ó theilgeoir roicéad.

Aisling an Phobail

17

Tá Aisling an Phobail ina cloiche a rinneadh le hionspioráid ó Chrosog Bhríde - an siombail síochána is sine in Éirinn.



Na ráillí 'Life Span' ag an Otharlann Ríoga Victeoíria

18



In 2000, chruthaigh Bruce Williams agus Avril Wilson na ráillí seo atá ag an Otharlann, a léirionn 11 aghaidh. Seasann gach aghaidh air ar son deich mbliana ar leith i saol an duine, ón naónacht go 100 bliana d'aois.

Tá na litreacha 'X' agus 'Y' le feiceáil ar feadh bharr na ráillí, agus na ráillí fén snoite mar héilics idir na portráidí, mar a bheadh ADN ann.


Tá na ráillí dealbhóireachta seo 400 m ar fhad, ó Bhóthar Grovenor ar aon go barr an Bhealaigh Leathain ar Bhóthar na bhFál.



Boirleach Chluanaí

Tá an Boirleach Chluanaí suite i gceantar galánta faoi bhun Shléibhte Bhéal Feirste. Tógadh an boirleach san 18ú haois, agus bhí sé mar chuid de Mhonarcha Chadáis Chluanaí, agus tá sé ina chuid thábhachtach d'oidhreacht thionsclaíoch Bhéal Feirste.

Bain taitneamh as an timpeallacht shuaimhneach agus tú ag an linn mhór. Ón droichead adhmaid, beidh radharcanna maithe agat ar fhlúirse an fhiadhúlra - tchífidh tú idir ealaí agus lachain, chailleacha dubha agus corra réisc, agus cearca uisce. Tá pontúin a mbíonn slatiascairí áitiúla ag triail orthu.




Áras Uí Chonghaile

Is ionad cuairteoirí spreagúil
nua-aimseartha é Áras Uí Chonghaile atá
suite cóngarach don áit a raibh Ó
Conghaile ina chónai ar Bhóthar na bhfáil.

Tugann an t-ionad léargas agus ábhar
machnaimh duinn ar shaol Shéamais Uí
Chonghaile, ar a pholaitiocht, agus ar an
tionchar a bhí aige ar stair na hÉireann.

Tumann Eispeireas Shéamais Uí
Chonghaile thú isteach i saol agus i stair
duine de na ceannairí ceardchumainn agus
olaitiúla is mó a bhí riamh in Éirinn.
Treasraíonn closturas Áras Uí Chonghaile
thú frid thaispeántas den chéad scoth, go
dtí an leabharlann leithreach,
Leabharlann Uí Chonghaile, agus frid
bhailiúcháin ealaíne agus stairiúla.





Áras Uí Chonghaile

Is ionad cuairteoirí spreagúil nua-aimseartha é Áras Uí Chonghaile atá suite cóngarach don áit a raibh Ó Conghaile ina chónai ar Bhóthar na bhFáil.

Tugann an t-ionad léargas agus ábhar machnaimh dúinn ar shaol Sheámais Uí Chonghaile, ar a phobalíocht, agus ar an tionchar a bhí aige ar stair na hÉireann.

Tumann Eispeireas Shéamais Uí Chonghaile thu isteach i saol agus i stair duine de na ceannairí ceardchumainn agus polaitiúla is mó a bhí riamh in Éirinn. Treoraionn closturas Áras Uí Chonghaile thu fríd thaispeántas den chéad scoth, go dtí an leabharlann leithleach, Leabharlann Uí Chonghaile, agus fríd bhaillíúcháin ealaíne agus stairiúla.





Tearmann Dúlra Chluain an Bhogaigh

Is acmhainn ollmhór do mhuintir na háite agus an dúlra é an díseart glas seo atá suite in iarthar Bhéal Feirste. Tá meascán de chluainte ann atá lán le speicis éagsúla, chomh maith le giolcarnaigh, locháin agus fálta sceiche - agus tugann sé deis iontach do dhaoine sult a bhaint as an dúlra cé go bhfuil sé i gceantar na cathrach.

Seas ar imeall an giolcarnaigh agus beidh iontas ort de bharr shiansa ceoil an cheolaire cíbe agus an cheolaire giolcaí. Sa tsamhradh, tagann an gabhlán gainimh, an fhánileog agus an gabhlán gaoithe ar cuairt festa, agus biónn siad le feiceáil ag sitheadh anuas thar an lochán agus feithidí á n-alpadh acu.

Amharc suas i dtreo na spéire agus coinnígh súil amach fá choinne an tseabhaic ghorm agus an chlamháin, ag dul i mbun seilge. B'fhéidir go bhfeicfidh tú an cruidín, fiú, agus é ag eitilt go deifreach thar an M1 ón Abhainn Bheara le garmachán a bhailiú.

Tearmann Dúlra Chluain an Bhogaigh Tá an eala bhalbh, an mallard, an lacha bhadánach, an chearc cheannann, an chearc uisce agus an spágaire tonn le feiceáil ag an lochán an bhliain ar fad. Rinneadh taifeadadh ar 14 speiceas d'fhéileacáin anseo. Sa tsamhradh, coinnigh súil amach do speiceas amhail an barr buí, an breacfhéileacán coille, an donnóg féir, agus an ruán beag agus iad ar foluain thart timpeall chluainte na mbláthanna fiáine.

San fhómhar, biónn na fáil sceiche lán de chaora agus é ina n-áit fhoscaidh ar ealta sacán agus deargán sneachta a thagann an bealach ar fad ó chríocha Lochlann. Is mórt-haibhseach an radharc é festa plodú isteach na ndruideanna roimh thitim na hóiche.

Bíonn póir chrua ba, amhail ba liathghormacha, ag innilt anseo, rud atá riachtanach do bhainistiú an tearmainn.





Reilig Chathair Bhéal Feirste

Osclaíodh Reilig Chathair Bhéal Feirste in 1869 agus tá sí ar an reilig is mó sa chathair. Fiosraigh fá na daoine atá curtha ann as réimse leathan cúlraí, a bhfuil a scéalta fite fuaite fríd scéal Bhéal Feirste. Cuireann an reilig i gcuimhne dúinn go raibh féiniúlacht pholaitiúil agus shóisialta Bhéal Feirste i bhfad ní ba chasta ag deireadh na 19ú haoise ná mar a shíltear.

Is í seo an reilig is mó sa chathair, agus tá os cionn 250,000 duine curtha inti agus, spéisiúil go leor, tá balla atá 6 troithe ar doimhne agus 100 troithe ar fad, thíos faoi leibhéal an talaimh agus a rinneadh ar mhaithé taobh na bProtastúnach agus taobh na gCaitliceach a scaradh óna chéile.

Faigh amach fá stair na Reilige ag an ionad cuairteora atá suite ag an bhealach isteach chun na reilige.





Páirc na bhFál


Osclaíodh Páirc na bhFál in 1873 agus tá radhairc iontacha ar Chnoic Bhéal Feirste agus ar an Lagán le feiceáil ansin. Ar dtús, bhí an áit mar chuid d'fhearrann mór talaimh ar le muintir Sinclair é, agus cheannaigh siadsan é ó Chorparáid Bhéal Feirste.

Rinneadh forbairt ar an chuid ba mhó den talamh seo agus rinneadh Reilig Chathair Bhéal Feirste de sin, agus leagadh amach Páirc na bhFál ar an chuid ba throime creafóige.

Is iomaí rud atá sa pháirc: móran seanchrann aibí, bláthanna áille, taispeántais gairneoireachta, féarthalaithe agus cosán cois abhainn.

I measc na n-áiseanna atá ar fáil sa pháirc, tá páirceanna imeartha, páirc súgartha úrnua do pháistí, giomnáisiam amuigh faoin aer, cuibhreann dáileachtaí, faiche bollaí agus Rith Páirce 5k a bhíonn ar siúl achan mhaidin Sathairn ag 9.30 a.m.





Reilig Bhaile an Mhuilinn

Oscláodh Reilig Bhaile an Mhuilinn den chéad uair in 1869 agus tá sí suite in Iarthar Bhéal Feirste. Ar an bhealach isteach chun na reilige, tá geata Rómhánúil Victeoiriach agus crosóig mhór Cheilteach maisithe le scéalta ón Bhíobla. Tá os cionn 200,000 duine curtha anseo, Cathal Ó Broin agus Albert Sharpe san áireamh.

Tá fairsinge mhór ghlas le feiceáil sa reilig, agus is í seo an láthair ina bhfuil na huaigheanna neamh-mharcálte inar cuireadh thar 80,000 íospartach a fuair bás sa phaindéim fhliú in 1918.

Is sa reilig seo cuireadh na Poblachtaigh Éireannacha Roibeárd Ó Seachnsaigh, Tomás Mac Uilliam, Mairéad Ní Fearghail agus Winifred Carney. Tá láthair adhlactha na bpoblachtach ina áit a mbíonn an-tóir ag turasóirí air, chomh maith le muintir na háite, le cuairt a thabhairt uirthi.



Cumann na Méirleach

25




Bunaíodh Cumann na Méirleach Poblachtach Éireannach in 1964. Bunaíodh an club i dtosach le tacaíocht a thabhairt d'iarchimí poblachacha, agus tugtar 'Na Méirligh' ar an chlub go háitiúil.

Tá an club bunaithe ar Bhóthar na bhFál, agus d'éirigh sé ina áit chruinnithe dóibh siúd a bhí páirteach sa streachailt phoblachtach, go háirithe le linn na coimhlinte.

Thar na mblianta, bhí mórán daoine mór le rá ón ghluaiseacht phoblachtach níos leithne óstáilte anseo.

Eaglais Naomh Matha


26



Suite ar Bhóthar an Ghleanna in larthar Bhéal Feirste, thóg an chomhlacht Harland and Wolff an chéad Eaglais Naomh Matha, ar tugadh 'an Eaglais Bheag Stáin' uirthi. Tá sí suite in aice le hEaglais Naomh Matha, an eglais a úsáideann an pobal inniu.

D'éirigh an eglais bheag stáin ar an dara eglais de chuid Paróiste Naomh Treasa de réir a chéile, agus tá sí ina seasamh go fóill san áit a raibh sí, faoi scáth an tSléibhe Dhuibh.

Togadh an eglais stáin neamhghnách seo ar Bhóthar an Ghleanna agus thiomnaigh Easpag Anglacánach ar Dheoise an Dúin agus Coinnire í ar 13 Lúnasa 1892.





Páirc Mhic Ásmaint

Tá Páirc Mhic Ásmaint ina staid CLG atá suite in lárthar Bhéal Feirste, ar Bhóthar Bhaile Andarsan. Tá an staid ainmnithe as an réabhlóidí Éireannach, Ruairí Mac Ásmaint, agus go traidisiúnta, bhí sí ina ceanncheathrú do CLG Aontroma, chomh maith le bheith ina príomhionad fá choinne cluichí peile gaelach agus iomána i gCúige Uladh.

Oscailodh Páirc Mhic Ásmaint in 1953 agus bhí sí ina mol lárnach do na cluichí Gaelacha i mBéal Feirste, agus cluichí club, idir-chontae, agus mórchluichí ag leibhéal an chúige á n-imirt anseo.

Bhí oidhreacht láidir ag an staid ó thaobh an oideachais de, agus sna 1960í deireanacha, bhí sí in úsáid le freastal ar dhaltaí ó na scoileanna an Linbh Naofa agus Naomh Treasa, ar Bhóthar an Ghleanna, agus Naomh Gall ó Chluain Ard.

Bhí club sóisialta Pháirc Mhic Ásmaint in úsáid ó bhí 1968 ann, agus tá sé ag freastal ar an phobal ó shin i leith le himeachtaí cultúrtha agus siamsaíochta shóisialta.

D'ainneoin na staide a bheith faoi fhorghabháil Arm na Breataine ó lúil 1972 go Deireadh Fómhair 1973 mar gheall ar Operation Motorman, imríodh na cluichí ó Abhainn Bheara go Páirc Mooreland ar Bhóthar Bhaile Andarsan mar agóid.

Luíonn Páirc Mhic Ásmaint ag croílár an phobail chomh mór sin gur iomaí paráid, mórshiúil agus slógadh a tharla ansin thar an 70 bliain dheireanach, an t-athléiriú ar Éirí Amach na Cásca 1916 ina measc, "Seachtar Fear, Seacht Lá"




Ionad Oidhreachta Rodaí Mhic Corlaí

Tar agus foghlaim fá 200 bliain den Phoblachtas in Éirinn, scéal a thosaigh le Cumann na nÉireannach Aontaithe in 1798. Insítear an scéal seo ag baint úsáid as iasmaí a bhí báilíodh agus atá á gcoimeád go háituil.

Leagann an bailiúchán amach an streachailt phoblachtach ó Éirí Amach 1798, fríd an tréimhse réabhlóideach r oimh 1916 agus ina dhiaidh sin, suas go dtí an Próiseas Síochána sna 1990í.

Suite i gcroílár larthar Bhéal Feirste, ag bun Shléibhte Bhéal Feirste, cuimsíonn an t-ionad nua iarsmalann den chéad scoth, bialann, beár agus tolglann, agus ionad ócáide agus imeachtaí.






Dubhais agus an tSliabh Dhubh


Ar Dhubhais, tugtar radharc álainn thar speárlíne na cathrach. Téigh ar thuras fríd an tírdhreach seo atá saibhir ó thaobh na seandálaiochta de. Faigh amach fán réimse fiadhúlra a chuireann fúthu ansin.

Téann na conairí siúil anseo fríd mhóinteach. Siúil na cosáin chloiche na clárchosáin agus na cabhsáí tarmac. Tá rud éigin ann do choisithe d'achan leibhéal acláiochta. Ar lá maith, gheobhaidh tú radhairc shoiléire ar Loch Cuan, na Beanna Boirche agus Sliabh Síos, chomh maith le háiteanna atá chomh fada ar shiúil le Tír Chonaill agus Albain. Tá iarsmaí iontacha fágtha sa tírdhreach anseo. Tá suíomhanna ón réamhstair go fóill ann - cairn adhlactha agus iarsmaí de bhotháin, chomh maith le banracha cloiche ón luath-thréimhse Críostúil, creidtear. Tá na feirmeacha a tógadh sa tréimhse iar-mheánaoiseach - chomh maith leis an chóras de ghoirt a bhaineann leo - le feiceáil sa cheantar go fóill.



Loch na Leathghealaí

30



Neadaithe i gceantar Léana an Dúin i mBéal Feirste, tá áit ar leith ag Loch na Leathghealaí i stair na cathrach. Tugtar 'Taiscumar Léana an Dúin' ar go hoifigiúil, tá an loch ar cheann de na seoid nádúrtha atá ag Béal Feirste nach bhfuil clú chomh mór orthu, agus tá stair shaibhir aige atá measartha saoithiúil.

Cruthaíodh an loch i lár na 19ú haoise mar thaiscumar le huisce a thabhairt a fhad leis na multe áitiúla agus an borradh na tionsclaíochta ar siúl i mBéal Feirste. Tá an loch timpeallaithe ag tírdhreach na tuaithe, agus tugadh "Loch na Leathghealaí" air mar gheall a chruth sainiúil. Le himeacht ama, d'éirigh an loch le bheith ina áit mhór do mhuintir na háite, a rachadh ann le snámh agus iascaireacht a dhéanamh.

Inniu, tá an loch mar a bheadh tearmann ann don fhiadhúlra agus tá sé ina áit fá choinne mhuintir na háite le sult a bhaint as.

An Leacht Leap of Faith


31



Rinne an t-ealaíontóir mór le rá Gordon Muir an píosa dealbhóireachta taibhseach seo a léiríonn íomhánna 21 dalta scoile atá ag léim chun tosaigh le chéile.

Tá an pobal agus an muintearas ina dtéamaí bunúsacha sa phíosa, agus seasann an dealbh don 'léim' a chaithfidh daoine óga a dhéanamh fríd le dul sa tseans agus creideamh a bheith acu agus iad ag dul in aibíocht, ag fás aníos.

Rinneadh an píosa dealbhóireachta seo a shuiteáil sa chéad dul síos in 2010, agus rinneadh é a athchóiriú agus a athlonnú ar an phríomhbhealach isteach go Páirc Nua Chollann, agus is mór an fáilte a chuireann sé roimh dhaoine a thagann ar cuairt.




Páirc Foraoise Ghleann Chollann

Tá Páirc Foraoise Ghleann Chollann faoi bhun Shléibhte Bhéal Feirste, agus is iontach an eachtra atá romhat anseo, sa choill seo i gceantar uirbeach. Tá an pháirc spréite thar dhá shuíomh agus is áit ar leith í atá lán den scéalaíocht. Tá páirc spóirt úrscothach le fáil chomh maith.

Bain taitneamh as na radhairc ghalánta san áit seo ar a dtugtar go ceanúil "Scamhóg Ghlas Bhéal Feirste". Téigh ar shiúlóid i measc an fhiadhúlra nó ar ziplíne fríd na crainn; lean Slí Gruffalo oifigiúil na hÉireann; nó déan spaisteoireacht ar shlí oidhreachta fríd thearmann síochánta.

Déan turas a chasann agus a lúbann fríd an choill, ag dul ar do luas féin ar an chéad Chostóir Alpach in Éirinn. Déan dreachadóireacht ar an túr atá 100 troigh ar airde agus déan zip fríd na crainn, ag taisteal ag beagnach 50msu ar an Ziplíne is faide in Éirinn, agus na radhairc dosháraithe thar an chathair, an ghleann agus Lagán an Dúin á dtabhairt isteach agat!






Teach Chluana

Teach Mór Victeoiriach déanta sa stíl lodálach atá i dteach Chluana. Tráth den tsaol, bhíodh muintir Grimshaw agus muintir Jaffe ag cur fúthu anseo - teaghlaigh saibhre. Ina dhiaidh sin, b'ait chónaithe é don Ghinearálóifigeach i gCeannas (GOC) in Arm na Breataine. Príomh-mhol a bhí ann i dtaca le cúrsaí pleanála agus straitéise le linn an Dara Chogadh Domhanda.


Nuair a bhris an Choimhlint amach in 1969, bhí Teach Chluana go fóill ina áras don GOC agus rinneadh oibríochtaí míleata a phleanáil anseo, an t-imtheorannú ina measc.

Níor fhág an t-arm Cluana go dtí na 1980í luatha agus tháinig an Eaglais Chaitliceach i seilbh na háite. Tá Teach Chluanaanois in úsáid fá choinne mórán tionscnamh idir reiligiúnda agus pobail.



Leacht Roibeárd Uí Seachnasaigh

34




Cuimhneachán sonraíoch atá sa leacht seo i gCill Uaighe, atá in ómós do Roibeárd Ó Seachnasaigh a bhí ina ghníomhaire Phoblachtach Éireannach agus ina stailceoir ocras.

Tá an leacht suite sa cheantar inar fhás Ó Seachnasaigh aníos. Is shiombal suntasach é a bhaineann leis an stair áitiúil agus le stair na tíre araon, agus léiríonn sé streachailt na coimhlinte.

Ní hamháin gur áit chuimhneacháin atá i gceist, ach is áit é inar féidir le daoine machnamh a dhéanamh ar an ról a bhí ag Ó Seachnasaigh sa streachailt ar son neamhspleáchas na hÉireann, agus is áit shuntasach é don phobal dá bharr sin.

Tearmann Dúlra Shliabh na Cloiche

35



Tearmann dúlra atá i Sliabh na Cloiche, suite go díreach in aice le Bóthar an Eanaigh.

Creidtear gur áit bheannaithe thábhachtach a bhí ann don mhuintir a chur fúthu anseo sa tréimhse Neoilteach agus sa Chré-umhaois, agus bhí go leor daoine adhlactha anseo i dtréimhse na réamhstaire, agus tá cairn ann in áiteanna feiceálacha ar bharr na gcnoc agus na ndromanna.

Tháinig laghdú ar níos mó ná 90% de mhóníneir na mbláthanna fiáine, agus is tábhachtaí áiteanna amhail Shliabh na Cloiche dá bharr sin. Tá éacht déanta ag Ulster Wildlife agus Belfast Hills Partnership araon leis an áit a oscailt don phobal agus é a chur chun cinn mar áit le cuairt a thabhairt air agus le feiceáil. Tá rud éigin ann d'achan duine. Tá cláir eolais agus cosáin inrochtana, chomh maith le sliabh oscailte bogach ann.

Coiste na nlarchimí



Turais siúil ceannródaíocha de chuid Coiste na nlarchimí, le hiarchimí polaitiúla a insíonn dún fána n-eispéiris phearsanta ón choimh-lint Briotánach/Éireannach.

- I measc na dturas, tá:
- Turas Siúil Bhóthar na bhFál
- Comhthuras Siúil na bhFál agus na Seanchille
- Turas Reilig Bhaile an Mhuilinn
- Turas Bhaile Uí Mhurchú
- Turas na nÉireannach Aontaithe
- Turas Reilig na Cathrach

Is féidir turas a chur in áirithe ar www.coiste.ie

Turais Tacsaithe Dubha de chuid TaxiTrax



Achan lá, téann mórán daoine thar na mórphictiúr s'agáinn a bhfuil clú agus cáil idirnáisiúnta orthu, ach an bhfuil a fhios ag na daoine seo na scéalta atá taobh thiar de na mórphictiúr seo?

Tá Turais TaxiTrax ar an chomhlacht is mó a dhéanann turais tacsaithe i mBéal Feirste, agus tá duaiseanna bainte amach aige. Treoróidh TaxiTrax thú fríd shuíomhanna a bhfuil suntas stairiúil agus polaitiúil ag baint leo; míníonn siad suntas na mórphictiúr atá agáinn i mBéal Feirste; agus tugann siad a gcuntas fein fínneithe súl, cuntas nach bhfuil sna leabhair staire go fóill.

Fíorscéalta ó fhíordhaoine a roinneann fioreispéiris saoil s'acu. Tugann Turais Tacsaithe Dubha Bheal Feirste siamsaíocht, oideachas, léargas agus dúshlán.

Is féidir turas a chur in áirithe ar www.taxitrap.com

Slí na Gaeltachta




Más maith leat tuilleadh eolais ar an scéal shuimiúil taobh thiar den Ghaeilge i nGaeltacht Bhéal Feirste, tar ar thuras treoraithe Shlí na Gaeltachta fríd chroílár an cheantair stairiúil seo. Más as Béal Feirste thú nó má tá tú ar cuairt chun na cathrach, is eispéireas é seo nár chóir duit ligint tharat.

Má tá suim agat tuilleadh a fháil amach agus stair na Gaeilge sa Cheathrú Gaeltachta a fhiosriú bígí linn ar Shlí na Gaeltachta, turas súilóide nar chóir cailleadh agus tú ó Bhéal Feirste nó i mBéal Feirste.

Is féidir turas a chur in áirithe ó www.forbairtfeirste.com

Slí Oidhreachta Shéamais Uí Chonghaile




Faigh amach fán oidhreacht cheilte a bhaineann le Séamas Ó Conghaile, ar Shlí Oidhreachta Shéamais Uí Chonghaile. Tá tacú ó Réaltacht Bhreisithe nuálach ag an tstí fhuinniúil seo, agus tá sé ar cheann de na chéad slite den tsórt seo i mBéal Feirste.

Ar an tstí, tugtar ar thuras thú thart ar an chathair. Tugtar cuairt ar roinnt de na suíomhanna is mó suntais a bhaineann le Séamas Ó Conghaile agus díritear ar stair na cathrach a bhaineann leis an pholaitíocht, an tionsclaíocht, an feimineachas, an lucht oibre, agus an ról a bhí ag an chathair i múnlú na hÉireann sa 100 bliain a tháinig ina dhiaidh.

www.arasuichonghaile.com

Turais Reilige Bhaile an Mhuilinn le Stevie Corr




Oscláodh Reilig Bhaile an Mhuilinn den chéad uair in 1869 agus tá sí suite in lárthar Bhéal Feirste. Is ionann scéal na reilige seo agus scéal na cathrach, agus is ionann é scéal an oileáin seo, i dtaca leis na príomheachtraí a thit amach i Nua-Stair na hÉireann.

Is é seo scéal na reibiliúnach agus na ndaoine a bhí faoi chois. Léirítear an stair sin sna leaca uaighe agus sna leaca cuimhneacháin. Tá mórán scéalta bainte leo maidir le saolta daoine a mhair i gcásanna agus i gcomhthéacs ar leith. Ba chóir dúinn cuimhneamh ar na scéalta seo agus ceiliúradh a dhéanamh orthu i gcónaí.

Fiosrúcháin: steviecorr@gmail.com
07514342199

Ransaitheoirí na Reiligi




Turais threoraithe i nGaeilge sna reiligi le foghlaim fá stair Bhéal Feirste/na hÉireann. Foghlaim fá mhórán ghnéithe den stair - an Drochshaol, tionsclú Bhéal Feirste, na Cogaí Domhanda, na cogáin in Éirinn (Éirí Amach na Cásca, Cogadh na Saoirse, Cogadh na gCarad, agus na Trioblóidí). Foghlaim fán Titanic, fá laochra áitiúla sa spórt, sna healaíona agus sa Ghaeilge chomh maith.

Tá na turais dírithe ar dhuine ar bith a bhfuil suim aige i stair na hÉireann nó stair Bhéal Feirste. Leanann Seán stair Bhéal Feirste go háirithe, agus díríonn sé ar dhaoine mór le rá agus daoine móra pobail atá curtha sna reiligi seo.

Rphost: sfennell419@gscoil.org
Guthán: 07413509529

Slí Oidhreachta Chollann




Cuimsíonn ceantar an Chollann stráice mór talaimh ar imeall Bhéal Feirste agus Lios na gCearrbhach, ó Dhún Muirígh go Baile Haine. Tá béim ar na ceantair seo: Bóthar Chill Uaighe, an Poll Glas, an Lag Mór, Cill Uighe, atá faoi bhun Shliabh Chollann.

Tá stair fíospéisiúil ag an cheantar seo agus cinnte, deirtear go bhfuil stair an cheantair mar mhicreacosma de stair Bhéal Feirste, agus stair na hÉireann í féin. Tá saibhreas na staire uilig le fáil anseo ar Shlí Oidhreachta Chollann - tréimhse na gCeilteach, luathfhorbairt Bhéal Feirste, aimsir na bPéindlíthe, aimsir na nÉireannach Aontaithe, teacht thionscail an línéadaigh, an sár-lia Frank Pantridge, na Trioblóidí agus annón.

www.colinheritage.com/heritage-trail

Slí Mhúrphictiúr Iarthar Bhéal Feirste



Le taobh Bhóthar na bhFál, tá mórphictiúr Iarthair Bhéal Feirste. Agus daoine ag maíomh gur seo an gailearaí ealaíne poiblí is mó san Eoraip, díríonn ár mórphictiúr cháiliúla aird ar chúrsaí sóisialta ar fud an domhain agus tugann siad ómós do cheannairí réabhlóideacha, Frederick Douglas, Nelson Mandela, agus Roibeárd Ó Seachnasaigh ina measc. Is é an bealach is fearr le heispéireas a fháil den tsaothar ealaíne seo ná úsáid a bhaint as ár Léarscáil Mhúrphictiúr.

Leis an léarscáil seo, thig leat lá iomlán a chaitheamh ag spaisteoiréacht fríd shráideanna Iarthar Bhéal Feirste agus bíodh craic agus comhluadar agat le muintir na háite - na daoine céanna a thug spreagadh do na healaíontóirí cáiliúla s'agáinn.

www.visitwestbelfast.com



Fáilte Feirste Thiar
PROMOTING WEST BELFAST TOURISM
www.visitwestbelfast.com

info@visitwestbelfast.com
02890 241 100
217 Fall Road, Belfast